

ნასყიდობის პირობები
შპს ესიელ ჯორჯია

1. ზოგადი დებულებები. წინამდებარე ნასყიდობის პირობები (შემდეგში, „პირობები“) არეგულირებს შპს ესიელ ჯორჯია-ს, მისი აფილირებული და შვილობილი კომპანიების და/ან სტრუქტურული ერთეულების (შემდეგში, ერთობლივად მოხსენიებული, როგორც „ესიელ“) მიერ „მომსახურებისა“ და „პროდუქტის“ გაყიდვას, თუ სხვა პირობები არ არის მოცემული „ესიელის“ განფასებასა ან შეკვეთის დადასტურების ფორმაში ან „ესიელთან“ წერილობით შეთანხმებაში. ყველა ტიპის ნასყიდობა რეგულირდება წინამდებარე „პირობებით“ თუ „მყიდველი“ განაცხადებს თანხმობას ამ „პირობებზე“. „მყიდველი“ წინამდებარე „პირობებზე“ თანხმობას აცხადებს ნებისმიერი შემდეგი ფორმით: (ა) „მყიდველი“ არ განაცხადებს პროტესტს წერილობით ამ „პირობების“ თაობაზე სამი (3) დღის განვალობაში, „მყიდველის“ მიერ ამ პირობების მიღების მომენტიდან, (ბ) „მყიდველი“ გასცემს შეკვეთას შესყიდვის თაობაზე ან (გ) „მყიდველი“ დაადასტურებს „მომსახურების“ ან „პროდუქტის“ მიღებას. „ესიელი“ უარს აცხადებს მყიდველის მიერ შემოთავაზებული ნებისმიერი დამატებითი ან განსხვავებული პირობის მიღებაზე, გარდა იმ შემთხვევისა, როდესაც „ესიელი“ წერილობით დაეთანხმება მათ. მხარეთა მიერ ინდივიდუალურად შეთანხმებულ პირობებს მიენიჭება უპირატესობა ამ „პირობებთან“ შედარებით. ამ „პირობების“ მიზნებისათვის და თუ სხვა რამ არ არის მითითებული, „პროდუქტი“ ნიშნავს „ესიელის“ მიერ წარმოებულ პროდუქტს, მათ შორის, „ესიელის“ სისტემებსა და დამცავ მაკონტროლებელ მოწყობილობებს, რომლებიც დაზუსტებულია „ესიელის“ შეკვეთის დადასტურების ფორმაში, მათ შორის, და არა მხოლოდ, დამხმარე მოწყობილობებს, თანდართულ დოკუმენტებს და ჩამონტაჟებულ პროგრამულ უზრუნველყოფას; ხოლო „მომსახურება“ ნიშნავს „ესიელის“ მიერ გაწეულ ნებისმიერ ტრენინგს, კონსულტაციას, ტექნიკურ დახმარებასა და სხვა ტიპის მომსახურებას, რომლებიც დაზუსტებულია „ესიელის“ შეკვეთის დადასტურების ფორმაში, გარდა პროექტებისა, რომლებიც რეგულირდება „ესიელ“-ის საინჟინრო მომსახურების შეთავაზებით. „ესიელმა“, შესაძლოა, ნებისმიერ დროს წინასწარი შეტყობინების გარეშე შეცვალოს წინამდებარე „პირობები“. ცვლილება არ შეეხება მომსახურების ან პროდუქციის შეკვეთას, რომელიც ცვლილების

განხორციელებამდე დაადასტურა გამყიდველმა. „პირობების“ უახლესი ვერსია განთავსდება „ესიელის“ ვებ-გვერდზე www.selinc.com/termsandconditions/unitedstates. „მყიდველი“, ვალდებულია, გაეცნოს „პირობებს“ „პროდუქტის“ ან „მომსახურების“ შესყიდვამდე. ხელშეკრულება არ მიიჩნევა გაფორმებულად, მანამ სანამ „ესიელის“ შეკვეთის დადასტურების ფორმა არ გაეგზავნება „მყიდველს“ და ყველა ტიპის შეკვეთა არ იქნება დამოკიდებული „ესიელის“ შესაძლებლობაზე, შესაფერისი პირობებითა და გონივრულ ვადაში, მოიპოვოს ექსპორტის ან იმპორტის ლიცენზია თუ ნებართვა, რომელიც აუცილებელია მოქმედი კანონმდებლობით. „ესიელს“ უფლება აქვს, ნებისმიერ დროს გააუქმოს შეკვეთა იმ შემთხვევაში, თუ მყიდველი არ დაეთანხმება წინამდებარე „პირობებს“ ან „მყიდველი“ არსებითად დაარღვევას „პირობებს“, მათ შორის, და არა მხოლოდ, ნებისმიერი ვადამოსული თანხის გადაუხდელობის, იმ პერიოდში მოქმედი „ესიელის“ პროგრამული უზრუნველყოფის ლიცენზიის შესახებ ხელშეკრულების დარღვევის ან იმ პერიოდში მოქმედი „ესიელის“ საკრედიტო მოთხოვნების შეუსრულებლობის მიზეზით.

2. ფასი, გადასახადები და გადახდის პირობები. ფასები განისაზღვრება „ესიელის“ შეკვეთის დადასტურების ფორმის თარიღისათვის დადგენილი ფასების მიხედვით და ექვემდებარება ცვლილებას შემდგომი შეტყობინების გარეშე. განფასება ან შეთავაზება ძალაშია სამოცი (60) დღის განმავლობაში, თუ სხვა რამ არ არის მითითებული. ამერიკის შეერთებული შტატების კონტინენტურ ტერიტორიაზე „მყიდველის“ მიერ შესყიდვის შემთხვევაში, ფასები მოიცავს წინასწარ გადახდილ სახმელეთო გადაზიდვის გადასახადს, ხოლო მიწოდება ხდება „მყიდველის“ საქმიანობის ადგილზე. იმ „მყიდველთა“ შესყიდვების მიმართ, რომლებიც არ იმყოფებიან ამერიკის შეერთებული შტატების კონტინენტურ ტერიტორიაზე, ფასები არ მოიცავს ფრახტს, შეფუთვის ან დაზღვევის ხარჯებს ან საბაჟო, სარგებლობის, დამატებული ღირებულების, ქონების ან მსგავს გადასახადს, ტარიფებსა და მოსაკრებლებს, თუ „ესიელი“ სხვაგვარად არ მიუთითებს. იმ „მომსახურებისათვის“, რომელიც მიეწოდება დროისა და დანახარჯების საფუძველზე,

გადასახადი მოიცავს წინა კლენდარულ თვეში დაჯარჯულ დროსა და გაწეულ ხარჯებს. იმ „მომსახურებისათვის“, რომელიც მიეწოდება ფიქსირებული თანხის შესაბამისად, ხარჯები მოიცავს ძირითადი მისაწოდებელი საქონლის ფასს, რომელიც მნიშვნელოვანწილად შესრულდა წინა კლენდარულ თვეს. შესაბამის შეკვეთაში ცვლილების ან გაუთვალისწინებელი გარემოებების გამო, შესაძლებელია, მოხდეს დამატებითი ხარჯების ანაზღაურების დაკისრება. ყველა „პროდუქტისა“ და „მომსახურებისათვის“ გადახდის ვადა ინვოისის გამოწერის თარიღიდან ოცდაათი (30) კლენდარული დღე. გადახდა განხორციელდება ამერიკის შეერთებული შტატების დოლარის ვალუტაში, თუ სხვა რამ არ არის მითითებული. „მყიდველი“ ვალდებულია, შეასრულოს იმ პერიოდში მოქმედი „ესიელის“ საკრედიტო მოთხოვნები კრედიტის მეშვეობით შესყიდვისას. თუ, „ესიელის“ შეხედულებით „მყიდველის“ ფინანსური მდგომარეობა მიწოდებამდე ნებისმიერ დროს არ შეესაბამება „ესიელის“ მიერ შეთავაზებულ გადახდის და/ან საკრედიტო პირობებს, „ესიელს“ შეუძლია, მოითხოვოს წინასწარ გადახდა ან გადაავადოს ან გააუქმოს ნებისმიერი შეკვეთა; ამასთან „ესიელს“ უფლება ექნება, შეკვეთის გაუქმებისათვის გონივრულ ფაგრლებში მოითხოვოს ხარჯების ანაზღაურება. მიწოდების დაყოვნება ან გადასახდელ თანხებში უზუსტობა არ ათავისუფლებს „მყიდველს“ ვალდებულებისაგან, გადაიხადოს დარჩენილი თანხა. „ესიელს“ უფლება აქვს, მისი შეხედულებით, დააკისროს ჯარიმა გადახდის დაყოვნებისათვის 1.5%-ზე ნაკლები ოდენობით თითოეული თვისათვის ან კანონით დაშვებული მაქსიმალური განაკვეთის ოდენობით ყველა ვადამოსულ, გადაუხდელ თანხაზე. „მყიდველის“ მიერ განხორციელებული ნებისმიერი გადახდა, „ესიელის“ შეხედულებით, მიემართება ვადამოსული დავალიანების დასაფარავად, ხოლო შემდგომ მოხმარდება მიმდინარე შეკვეთებს. ზემოაღნიშნულის მიუხედავად, თუ „მყიდველი“ ვერ შეძლებს ვადამოსული თანხის გადახდას, აღნიშნული მიიჩნევა „პირობების“ არსებით დარღვევად, ხოლო „ესიელის“ მიერ ნებისმიერი დავლიანების გადახდის მიღება არ მიიჩნევა დარღვევის აღმოფხვრად. კანონით დაშვებულ ფარგლებში, „ესიელს“ უფლება აქვს, ანაზღაუროს ყოველგვარი ხარჯი, რომელსაც იგი გასწევს „მყიდველის“ დავალიანების ამოსადებად, მათ შორის, და არა მხოლოდ, იურიდიული

მომსახურების და სხვა ტიპის ხარჯები (მათ შორის, და არა მხოლოდ, სასამართლოს გარეშე ხარჯები).

3. მიწოდება, დოკუმენტაცია და ინფორმაციის გამჟღავნება. მიწოდების ვადები გაინგარიშება მიახლოებით და დამოკიდებულია „მყიდველის“ მხრიდან ყველა აუცილებელი ინფორმაციის მოწოდებაზე და არ წარმოადგენს სახელშეკრულებო ვალდებულებას. თუ აუცილებელია ნახაზების შეთანხმება, ნახაზი დაბრუნებულ უნდა იქნას დათქმულ ვადაში, რათა არ დაირღვეს გადაზიდვის სავარაუდო თარიღი. „ესიელი“ შეფუთავს და გადაზიდავს „პროდუქტს“ მისი სტანდარტული პროცედურის თანახმად. ყოველგვარი გადაზიდვა განხორციელდება „ესიელის“ სტანდარტული ექსპედიტორის ან გადამზიდვის მეშვეობით. „მყიდველი“ გადაიხდის გაზრდილ ხარჯებს სპეციალური შეფუთვის, გადაზიდვის (მათ შორის ესპედიტორის ან გადამზიდვის ხარჯებს, რომელიც მოთხოვნილია „მყიდველის“ მიერ) ან დაზღვევისათვის, აგრეთვე, შენახვის ხარჯებს. თუ სხვა რამ არ არის მითითებული „ესიელის“ შესყიდვის დადასტურების ფორმაში, გადაზიდვა რეგულირდება ამ „პირობებით“. ამერიკის შეერთებული შტატების კონტინენტური ტერიტორიის მისამართზე გაგზავნილ საქონელთან მიმართებით, „პროდუქტის“ დაზიანების ან დაკარგვის რისკი და საკუთრების უფლება გადადის „მყიდველზე“ მისი საქმიანობის ადგილზე საქონლის მიწოდებისას. „მყიდველი“ ვალდებულია, დაუყოვნებლივ გახსნას და შეამოწმოს „პროდუქტი“ და თუ „პროდუქტს“ აღმოაჩნდება ნაკლი „მყიდველი“ ვალდებულია, (ა) შეინარჩუნოს „პროდუქტი“ შემოწმების ადგილას, (ბ) შეინარჩუნოს გადამზიდი კონტინერი და შეფუთვის მასალა, (გ) წერილობით შეატყობინოს გადამზიდვს, შეტყობინების ჩაბარების დადასტურებით, ნებისმიერი აშკარა ნაკლის თაობაზე და მოსთხოვოს გადამზიდვს, რომ შეამოწმოს საქონელი, (დ) სამი (3) დღის ვადაში საქონლის მიღებიდან შეატყობინოს „ესიელს“ ნაკლის თაობაზე და (ე) გაუგზავნოს „ესიელს“ გადამზიდვის შემოწმების ანგარიში. იმ „პროდუქტებზე“, რომლებიც გაგზავნილია ამერიკის შეერთებული შტატების კონტინენტური ტერიტორიის მიღმა არსებულ მისამართებზე, საქონლის დაზიანების ან დაკარგვის რისკი და საკუთრების უფლება „მყიდველზე“ გადავა „ესიელის“ ქარხანაში საქონლის ექსპედიტორისათვის ან გადამზიდვისათვის მიწოდების მომენტში. „მყიდველს“ „პროდუქტის“

მიღების მომენტიდან აქვს გონივრული ვადა, რომ შეამოწმოს და უარი თქვას ან მიიღოს „პროდუქტი“. ნებისმიერ შემთხვევაში, „პროდუქტი“ მიღებულად ჩაითვლება არა უგვიანეს თხუთმეტი (15) დღისა გადაზიდვის მომენტიდან. „მყიდველს“ არ აქვს უფლება, უკან დააბრუნოს „პროდუქტი“ „ესიელის“ წინასწარი წერილობითი თანხმობის გარეშე. საჭიროების შემთხვევაში, „ესიელი“ მიაწვდის „მყიდველს“ კონკრეტული „პროდუქტის“ ინსტრუქციის ერთ (1) ასლს. „მყიდველს“ არ აქვს ინსტრუქციის რეპროდუცირების უფლება. „მყიდველს“ შეუძლია, შეუკვეთოს „ესიელს“ დამატებითი ასლები. ინსტრუქცია და თანხმობები დოკუმენტები იქნებ ინგლისურ ენაზე. თუმცა „ესიელს“ ან მის წარმომადგენლებს, დრო და დრო და როგორც კეთილი ნების გამოვლენა, შეუძლია, მიაწოდონ აღნიშნული ინსტრუქციის და დოკუმენტების თარგმანი. თარგმანსა და ინგლისურ ვერსიას შორის წინააღმდეგობისას, რისთვისაც „ესიელი“ არ აგებს პასუხს, უპირატესობა მიენიჭება ინგლისურ ვერსიას. ინგლისური ვერსია ხელმისაწვდომია ვებ-გვერდზე selinc.com. ნებისმიერი ინფორმაცია, წინადადება ან იდეა, რომელსაც მიაწვდის „მყიდველი“ „ესიელს“ წინამდებარე „პირობების“ შესრულებასთან დაკავშირებით არ იქნება მიჩნეული, როგორც საკუთრება ან კონფიდენციალური ინფორმაცია, თუ სხვა რამეს არ მიუთითებს „მყიდველი“ წერილობით და „ესიელი“ წერილობით არ დაეთანხმება ასეთ მითითებას.

4. ინტელექტუალური საკუთრება. „მყიდველი“ არ გახდის სადავოდ „ესიელის“ ინტელექტუალური საკუთრების ნამდვილობას, მათ შორის, და არა მხოლოდ, ნებისმიერ სასაქონლო ნიშანს, მომსახურების ნიშანს, საქონლის გაფორმებისათვის გამოყენებულ ატრიბუტებს, პატენტს, საავტორო უფლებებს, კომერციულ საიდუმლოებსა თუ ლიცენზიებს. „მყიდველი“ აღიარებს, რომ „ესიელის“ ინტელექტუალური საკუთრება წარმოადგენს მხოლოდ „ესიელის“ საკუთრებას. „მყიდველისათვის“ „პროდუქტის“ ან „მომსახურების“ მიყიდვით, „ესიელი“ არ გადასცემს თავის ინტელექტუალურ საკუთრებას (მათ შორის, და არა მხოლოდ, უფლებებს დიზაინსა თუ სხვა ნამუშევარზე) „მყიდველს“. „მყიდველი“ არ მოშლის და არ შეცვლის სასაქონლო ნიშანს, მომსახურების ნიშანს ან საქონლის გაფორმებისათვის გამოყენებულ ატრიბუტებს, რომლითაც ხდება „ესიელის“ იდენტიფიცირება, ასევე, არ გამოიყენებს იმ

სასაქონლო ნიშნებს, მომსახურების ნიშნებს, საქონლის გაფორმების ატრიბუტებს და სხვა ტიპის ინტელექტუალურ საკუთრებას, რომლებიც, „ესიელის“ შეხედულებით, დამაბნეველად მსგავსია „ესიელის“ ინტელექტუალურ საკუთრებასთან. ნებისმიერი პროგრამული უზრუნველყოფა (მათ შორის მუდმივი პროგრამული უზრუნველყოფა), რომელიც „პროდუქტის“ შემადგენელია, ეკუთვნის „ესიელს“ (ან მის ლიცენზიარებს) და „მყიდველს“ გადაეცემა ლიცენზიის, და არა ნასყიდობის, ფორმით. „მყიდველს“ უფლება აქვს, გამოიყენოს პროგრამული უზრუნველყოფა მხოლოდ „პროდუქციასთან“ მიმართებით და მხოლოდ იმ ფორმით, როგორც ეს დადგენილია „ესიელის“ მიერ. პროგრამული უზრუნველყოფა რეგულირდება იმ პერიოდში მოქმედი „ესიელის“ პროგრამული უზრუნველყოფის ლიცენზიის შესახებ ხელშეკრულებით.

5. „პროდუქტის“ გარანტია და ვალდებულებები „მომსახურებისას“. „ესიელი“ „მყიდველს“ აძლევს გარანტიას, რომ „პროდუქტს“, მათ შორის „ესიელის“ მიერ წარმოებულ დამცავ მოწყობილობებსა და პანელებს, მასალის ან ხელობის მხრივ არ გააჩნია ნაკლი ათი (10) წლის განმავლობაში „ესიელის“ „პროდუქტის“ გადაზიდვის დღიდან. გარანტია მოქმედებს ხუთი (5) წლის განმავლობაში თუ „პროდუქტი“ მიეწოდება Fault Indicator and Sensor Division Products მიხედვით. ეს გარანტია მოქმედებს იმ პირობით, თუ ხდება „პროდუქტის“ სათანადო შენახვა, მონტაჟი, დაკავშირება, ოპერირება და შენარჩუნება, აგრეთვე, თუ „ესიელს“ ნაკლის შესახებ დროულად და წერილობით ეცნობება, და, საჭიროების შემთხვევაში, „ესიელს“ დროულად წარედგინება „პროდუქტი“ ნაკლის გამოსწორებისათვის. გარანტია ბათილად ჩაითვლება, თუ „მყიდველი“ არ განახორციელებს „პროდუქტის“ აუცილებელ განახლებას ან „ესიელის“ წინასწარი წერილობითი თანხმობისა და შემდგომი მოწონების გარეშე შეიტანს ცვლილებებს „პროდუქტში“ ან გამოიყენებს მას ისეთი მოწყობილობისათვის, როელიც მოითხოვს იმ ტიპის პროდუქციის ლისტინგსა და კვალიფიკაციას, რომელიც არ არის პირდაპირ მითითებული „ესიელის“ წერილობით განფასებასა თუ წინადადებაში. თუ „პროდუქტი“ არ შეესაბამება გარანტიის პირობებს, „მყიდველი“ ვალდებულია, დროულად აცნობოს „ესიელს“ აღნიშნულის თაობაზე და უნდა დააბრუნოს „პროდუქტი“ „ესიელის“ ქარხანაში დიაგნოსტიკისათვის

(„მყიდველს“ ეკისრება ყოველგვარი ხარჯი „პროდუქტის“ დაბრუნებისას). „ესიელი“, თავისი შეხედულებით, გამოსაწორებს ნაკლს რომელიმე შემდეგი ფორმით - „პროდუქტის“ დაზიანებული ან ნაკლიანი ნაწილის შეკეთებით ან ფრახტის წინასწარი გადახდის და Carriage Paid To (CPT) პირობით, მომხმარებლის საქმიანობის ადგილას მიაწვდის „მყიდველს“ ახალ ნაწილს/ნაწილებს ან „პროდუქტს“/„პროდუქტებს“. „პროდუქტის“ განახლებისა თუ შეკეთების თაობაზე აქ მოცემული გარანტია ძალაშია შეკეთების მომენტიდან ერთი (1) წელზე მეტი ვადით ან თავდაპირველი გარანტიის დარჩენილი პერიოდის განმავლობაში. კანონით დაშვებულ ფარგლებში, ეს გარანტია გამორიცხავს და ანაცვლებს ყველა სხვა ტიპის გარანტიას, რომელიც გათვალისწინებულია კანონით, გაცხადებული თუ ნაგულისხმევია (მათ შორის, გარანტიას ვარგისიანობასა და კონკრეტული მიზნით შესაბამისობაზე, აგრეთვე გარანტია, რომელიც გამომდინარეობს შესრულების ან განხორციელების ან სავაჭრო ჩვეულებისგან) გარდა პატენტისა და საკუთრების უფლების დარღვევისა. „ესიელი“, შესაძლებლობის ფარგლებში, გასცემს თავდაპირველი მწარმოებლის გარანტიას იმ პროდუქტებისათვის, რომელიც არ მიეკუთვნება „ესიელს“. იმ პროდუქტებზე, აგრეთვე, დამცავ მაკონტროლებელ სტრუქტურებზე, რომელიც არ მიეკუთვნება „ესიელს“, „ესიელი“ არ გასცემს გარანტიას, ასევე, გარანტია არ გაიცემა იმ პროდუქტებზე, რომლებიც არ არის „ესიელის“ მიერ წარმოებული, თუმცა წარმოადგენს „ესიელის“ პანელის, დამცავი მაკონტროლებელი სტრუქტურისა და სისტემის შემადგენელ ნაწილს, აგრეთვე, გარანტია არ გაიცემა იმ პროდუქტებსა და პროტოტიპებზე, რომელსაც წარუდგენს „ესიელი“ ტესტირების, მარკეტინგისა თუ სესხის მიზნებისათვის. „ესიელი“ მიაწვდის „მომსახურებას“ ყურადღებისა და პროფესიონალიზმის იმ ხარისხით, რომელიც ჩვეულებრივ ახასიათებს ამავე პროფესიის წევრებს მსგავს პირობებში. „ესიელი“ დამატებითი ხარჯების დაკისრების გარეშე თავიდან შეასრულებს (ან, „ესიელ“-ის გადაწყვეტილებით, შეუკვეთავს მესამე პირს, რომელიც თავიდან შეასრულებს) ნებისმიერ ნაკლიან „მომსახურებას“ (მათ შორის „მომსახურებას“, რომელიც შესრულდა „ესიელის“ სისტემასთან კავშირში), თუ „ესიელს“ ერთი (1) წლის განმავლობაში თავდაპირველი „მომსახურების“ მიწოდების დღიდან მიეწოდება შეტყობინება, რომელიც დეტალურად აღწერს ნაკლს.

6. პასუხისმგებლობის შეზღუდვა, ანაზღაურება და დაზღვევა. არც ერთ შემთხვევაში, როგორცაა ხელშეკრულების, ანაზღაურების, გარანტიის, ბრალის გარეშე პასუხისმგებლობის დარღვევის, დელიქტის შედეგად თუ სხვა, „ესიელი“ არ აგებს პასუხს „მყიდველის“ ან „მყიდველის“ მზღვეველის წინაშე ნებისმიერი ზიანისა თუ დანაკარგისათვის, რომლის თანხა აღემატება კონკრეტული „პროდუქტის“ ან „მომსახურების“ ღირებულებას და, რომელიც, მოთხოვნის წარმოშობის საფუძველია, ასევე, ყოველგვარი პასუხისმგებლობა წყდება გარანტიის ვადის გასვლისთანავე. „მყიდველს“ არ აქვს უფლება, წარადგინოს ამ „პირობებიდან“ გამომდინარე მოთხოვნა, ფორმის მიუხედავად, მოთხოვნის წარმოშობიდან ერთი (1) წლის გასვლის შემდეგ. არც ერთ შემთხვევაში, როგორცაა ხელშეკრულების, ანაზღაურების, გარანტიის, ბრალის გარეშე პასუხისმგებლობის დარღვევის, დელიქტის შედეგად თუ სხვა, „ესიელი“ არ აგებს პასუხს ნებისმიერ სპეციალურ, თანმდევ, არაპირდაპირ, წინასწარ განსაზღვრულ ზიანსა თუ საჯარიმო სანქციებზე, მათ შორის, და არა მხოლოდ, შემოსავლის ან მოგების დაკარგვის, „პროდუქტის“ ან დაკავშირებული მოწყობილობის გამოყენების შესაძლებლობის დაკარგვის, დაკავშირებული მოწყობილობის დაზიანების, კაპიტალური დანახარჯების, შემცვლელი პროდუქტის, დანადგარების ან მომსახურების ხარჯების გამო ან სანაცვლო ენერჯის წყაროსათვის, აგრეთვე, ხარჯებისათვის გაუმართაობის პერიოდში და „მყიდველის“ მომხმარებელთა მოთხოვნებისათვის ზემოაღნიშნული ზიანისათვის. თუ „ესიელი“, მისი ქვეკონტრაქტორები ან მიმწოდებლები გაუწევენ „მყიდველს“ კონსულტაციას ან დახმარებას, მათ შორის, მომხმარებლის მიერ მოწოდებული ან მოთხოვნილი რეგულირების და მასთან დაკავშირებული კონსულტაციის მხრივ, ნებისმიერ „პროდუქტთან“ ან სისტემასა და მოწყობილობასთან დაკავშირებით, რომელშიც დამოტყუებულია „პროდუქტი“, ამგვარი რჩევის ან დახმარების გაწევა არ გამოიწვევს „ესიელის“ პასუხისმგებლობას ხელშეკრულების, ანაზღაურების, გარანტიის, ბრალის გარეშე პასუხისმგებლობის დარღვევის, დელიქტის შედეგად თუ სხვაგვარად. „ესიელი“ პასუხს არ აგებს ზიანსა თუ მოთხოვნაზე, რომელიც წარმოიშვა „პროდუქტზე“ არაავტორიზებული დაშვების შედეგად. „მყიდველი“ ადასტურებს, რომ იგი გაეცნო (ან გაეცნობა) „პროდუქტის“ მოხმარების სახელმძღვანელოებსა და ინსტრუქციებს და არ

დაამონტაჟებს ან გამოიყენებს „პროდუქტს“, თუ მას არ ექნება შესაბამისი კომპეტენცია. ზემოაღნიშნული შეზღუდვები არ იმოქმედებს ფიზიკურ პირებთან ურთიერთობაში წარმოშობილ დელიქტურ ვალდებულებებთან მიმართებით. „მყიდველი“ აუნაზღაურებს, სასამართლოს გზით დაიცავს და არ მიაყენებს/წარუდგენს „ესიელს“ და ყველა დაკავშირებულ მხარეს მოთხოვნას, სარჩელს, ზიანს, ხარჯს, დანახარჯს, მათ შორის, და არა მხოლოდ, იურიდიული მომსახურების და სხვა ტიპის ხარჯებს, რომელიც პირდაპირ ან არაპირდაპირ გამომდინარეობს ან დაკავშირებულია „მყიდველის“, მისი წარმომადგენლების, დასაქმებულების ან აგენტების მოქმედებასთან ან უმოქმედობასთან, მათ შორის, და არა მხოლოდ შემდეგ გარემოებებთან: (ა) „მყიდველის“ მიერ „პროდუქტის“ მოდიფიკაცია ან გაერთიანება, (ბ) „მყიდველის“ დამაზუსტებელი მითითება, (გ) „მყიდველის“ მიერ რელეს რეგულირება, რომელიც, შესაძლოა, ესადაგებოდეს ან არ ესადაგებოდეს „ესიელის“ რელეს რეგულირების შესახებ მაგალითებსა და სახელმძღვანელოებს, (დ) „ესიელის“ დიზაინის დოკუმენტების „მყიდველის“ ან სხვა პირის მიერ ნებისმიერი ცვლილება (ე) „ესიელის“ მიერ მოწოდებული დიზაინის, ნახაზების, გეგმებისა და სპეციფიკაციების ნებისმიერი არავტორიზებული გამოყენება ან შემდგომი გამოყენება, (ვ) თუ „მყიდველი“ ვერ შეძლებს სრულად გამოიყენოს პაროლის დამცავი მექანიზმი, რომელიც ახლავს „პროდუქტს“ (მათ შორის, და არა მხოლოდ, თუ „მყიდველი“ ვერ შეძლებს გამოიყენოს პაროლი ან შეცვალოს პირველადი პაროლი „მყიდველის“ უნიკალური პაროლით) ან (ზ) „მყიდველის“ მიერ წინამდებარე „პირობების“ დარღვევა. „მყიდველი“ იქონიებს კომერციულად გონივრულ დაზღვევას (სუბროგაციაზე უარის პირობით) პასუხისმგებლობის ან ქონების დაზიანების დაზღვევის, მათ შორის, და არა მხოლოდ, ყველა სტანდარტული კომერციული, გარემოსდაცვითი და, იმ „პროდუქტებთან“ მიმართებით, რომელიც ბირთვულ დანადგარებსა და აქტივებს უკავშირდება, ბირთვული შემთხვევების დაზღვევის, მიზნით.

7. ანაზღაურება პატენტის შესახებ დავაზე. „ესიელი“ სასამართლოს გზით დაიცავს „მყიდველს“ ნებისმიერ სარჩელთან დაკავშირებით, რომელიც შეტანილია „მყიდველის“ წინააღმდეგ და, რომელიც, შეეხება „ესიელის“ მიერ მიწოდებული ნებისმიერი „პროდუქტის“ მიზეზით პატენტის დარღვევას;

აგრეთვე, „ესიელი“ გადაიხდის გადაწყვეტილებით დადგენილ თუ მორიგების თანხას, რომლის გადახდაც დაეკისრა „მყიდველს“ და აუნაზღაურებს „მყიდველს“ გონივრულ ხარჯებს, რომელიც მან სარჩელის წინააღმდეგ გაიღო იმ პირობით, რომ „მყიდველი“ დროულად შეატყობინებს „ესიელს“ სარჩელის თაობაზე, გონივრულ ფარგლებში გაუწევს დახმარებას „ესიელს“ სარჩელთან დაკავშირებით, მისცემს ყველა შესაძლებლობას, აკონტროლოს დავის მიმდინარეობა, მათ შორის, გააფორმოს მორიგება, და არ დაიკავებს „ესიელის“ საწინააღმდეგო პოზიციას დავასთან დაკავშირებით. იმ შემთხვევაში, თუ მიღებულ იქნება გადაწყვეტილება, რომ „პროდუქტი“ არღვევს კანონს და აიკრძალება „პროდუქტის“ გამოყენება (ან „ესიელი“ ხედავს მოვლენების ამგვარად განვითარების მნიშვნელოვან რისკს), „ესიელი“, თავისი შეხედულებით, გამოცვლის „პროდუქტს“ იმ „პროდუქტით“, რომელიც კანონშესაბამისია, შეიძენს უფლებას „მყიდველისათვის“, რათა ამ უკანაკნელმა გააგრძელოს „პროდუქტით“ სარგებლობა, შეცვლის მას იმ ფორმით, რომელიც არ აღწევს კანონს ან შეისყიდის „პროდუქტს“ „მყიდველისაგან“ სამართლიანი ფასით თავდაპირველ ფასთან მიმართებით. „ესიელი“ პასუხს არ აგებს ზიანისათვის, რომელიც დადგება მას შემდეგ, რაც იგი კეთილსინდისიერად შესთავაზებს „მყიდველს“ რომელიმე ზემოაღნიშნულს. „ესიელი“ პასუხს არ აგებს პატენტის დარღვევისათვის, რომელიც გამოწვეულია ინდივიდუალურად შეკვეთილი „პროდუქტით“, „პროდუქტის“ ცვლილებით, „პროდუქტის“ იმგვარი ინტეგრაციით, რომელიც არ ყოფილა „ესიელის“ განზრახვა ან „პროდუქტის“ ინტეგრაციით იმ პროდუქტში, რომელიც არ მიეკუთვნება „ესიელს“, ხოლო „მყიდველი“ ვალდებულია სრულად აუნაზღაუროს, სასამართლოს გზით დაიცავს და არ წარუდგინოს/მიაყენოს ზიანი „ესიელს“ და დაკავშირებულ პირებს პატენტის დარღვევის ამგვარი მოთხოვნის შედეგად.

8. მიწოდება საბოლოო მომხმარებლისათვის, რომელიც არ არის „მყიდველი“. „მყიდველი“ მოიპოვებს წერილობით ნებართვას „ესიელისგან“ „პროდუქტის“ შემდგომ გაყიდვამდე. ნებართვის მოპოვებისათვის, „მყიდველი“, საწყის ეტაპზე და შემდგომ მუდმივად, წარუდგენს „ესიელს“ „პროდუქტის“ საბოლოო მომხმარებლის შესახებ სრულ და სწორ ინფორმაციას. „მყიდველი“ „პროდუქტის“ საბოლოო მომხმარებელს მიაწვდის

პროდუქტის შესახებ შეტყობინებებს, გაფრთხილებებს, ინსტრუქციებს, რეკომენდაციებს, ბიულეტენს და მსგავს მასალებს, რომელიც, პირდაპირ ან არაპირდაპირ, მოწოდებულია „ესიელის“ მიერ. იმ შემთხვევაში, თუ „მყიდველი“ გადასცემს მესამე პირს ნებისმიერ „პროდუქტს“ ან მასზე უფლებას ან წილს, „მყიდველი“ ანაზღაურებს, სასამართლოს გზით დაიცავს და არ მიაყენებს/წარუდგენს „ესიელს“ და ყველა დაკავშირებულ მხარეს „პროდუქტის“ მიმღების ან ნებისმიერი სხვა პირის მოთხოვნას, რომელიც აღმატება „ესიელის“ ვალდებულებებს წინამდებარე „პირობების“ თანახმად. „ესიელის“ წინასწარი წერილობითი თანხმობის გარეშე „პროდუქტის“ ან მასზე უფლების გადაცემა გამოიწვევს „ესიელის“ გარანტიის გაუქმებას. „მყიდველს“ არ აქვს უფლება, გადასცეს „პროდუქტი“ ან მასზე უფლება, თუ ასეთი გადაცემა დაარღვევს შესაბამის ექსპორტის შესახებ კანონს, რეგულაციასა თუ ბრძანებას. „მყიდველი“ იძლევა გარანტიას, რომ გადაზიდვის შესახებ ინფორმაცია, რამდენადაც მისთვის ცნობილია, ნამდვილი და სწორია. „მყიდველის“ მიერ ამ „პირობების“ ან მასში მოცემული უფლებებისა თუ ვალდებულებების გადაცემის მცდელობა „ესიელის“ წინასწარი წერილობითი თანხმობის გარეშე არ ათავისუფლებს „მყიდველს“ „ესიელის“ მიმართ ნაკისრი ვალდებულებებისგან.

9. ხელშეკრულების ცვლილება. თუ „მყიდველი“ მოითხოვს ნახაზების შეთანხმებას, თანხმობა უნდა მიეწოდოს „ესიელს“ ათი (10) სამუშაო დღის ვადაში „ესიელის“ მიერ „მყიდველისათვის“ ნახაზების მიწოდების დღიდან. თუ „მყიდველი“ ვერ შეძლებს აღნიშნული პირობის დაცვას, შესაძლოა, წარმოიშვას დამატებითი ხარჯები, ხოლო მიწოდება დაგვიანდეს, რომელზეც პასუხს აგებს „მყიდველი“. თუ „მყიდველი“ თავისი დიზაინის მახასიათებლებში შეიტანს ცვლილებებს, „ესიელის“ შეკვეთის დადასტურების ფორმა გადაიხედება ფასისა და მიწოდების პირობების მხრივ, რათა, გონივრულ ფარგლებში, მოხდეს წარმოშობილი ხარჯების და მიწოდების დაყოვნების გათვალისწინება.

იმ შემთხვევაში, თუ „მყიდველის“ სპეციფიკაცია არ არის საკმარისად დეტალური, „ესიელი“ იტოვებს უფლებას, შექმნას „პროდუქტი“ მიღებული კომერციული პრაქტიკის შესაბამისად, „ესიელის“ შეხედულებისამებრ. „მყიდველს“ უფლება აქვს, გააუქმოს ნებისმიერი შეკვეთა წერილობითი შეტყობინების გაგზავნის და შეწყვეტის შედეგად გონივრული ხარჯების ანაზღაურების პირობით, მათ

შორის, და არა მხოლოდ, მარაგების შევსებისათვის გაწეული გონივრული საფასურისა და ყველა ხარჯის ანაზღაურებით, რომელიც შეწყვეტის თარიღამდე იქნა გაწეული. ნებისმიერი შეკვეთა, რომელიც დაყოვნდება „მყიდველის“ თხოვნით დაექვემდებარება იმ ფასებსა და „პირობებს“, რომელიც იმოქმედებს დაყოვნების გაუქმების მომენტში. ნებისმიერი ასეთი შეკვეთა, რომელიც დაყოვნდება გონივრულ დროზე მეტ ხანს („ესიელის“ შეხედულებით) მიიჩნევა, როგორც შეკვეთის გაუქმება „მყიდველის“ მხრიდან და „მყიდველს“ დაეკისრება დაყოვნებისა და შეკვეთის გაუქმების გამო გონივრულ ფარგლებში ხარჯების ანაზღაურება.

10. მარგულირებელი სამართალი და დავების მოგვარება. ეს „პირობები“ რეგულირდება საქართველოს კანონმდებლობით. მხარეები გამორიცხავენ გაეროს კონვენციას საქონლის საერთაშორისო ნასყიდობის ხელშეკრულებათა შესახებ. ნებისმიერი უთანხმოება ან დავა, რომელიც გამომდინარეობს ან დაკავშირებულია წინამდებარე „პირობებთან“ ან მის დარღვევასთან გადაწყდება საქართველოს მოქმედი მატერიალური და პროცესუალური სამართალით, კომპეტენტურ სასამართლოში. დავაში გამარჯვებულ მხარეს უფლება ექნება, აინაზღაუროს იურიდიული მომსახურები ხარჯები (მათ შორის, და არა მხოლოდ, სასამართლო ხარჯები, სასამართლოს გარეშე და აღსრულების ხარჯები).

11. დამატებითი დებულებები. წინამდებარე „პირობები“, მათ შორის „ესიელის“ პროგრამული უზრუნველყოფის ლიცენზიის ხელშეკრულება და „ესიელის“ შეკვეთის დადასტურების ფორმა, წარმოადგენს მთლიან შეთანხმებას „მყიდველსა“ და „მყიდველს“ შორის და აქვს უპირატესი ძალა ნებისმიერ წინა ან მიმდინარე ზეპირ თუ წერილობით შეთანხმებასთან, მოლაპარაკებასთან, ვალდებულების აღებასთან, განცხადებასა თუ კომუნიკაციასთან შედარებით, მათ შორის, და არა მხოლოდ, ნებისმიერი შესყიდვის შესახებ შეკვეთის პირობაზე. „ესიელი“ უარს ამბობს ნებისმიერ განცხადებაზე, მკაფიო თუ ნაგულისხმევ გარანტიაზე, შესრულებაზე ან მოქმედებაზე, სავაჭრო ჩვეულებაზე ან ნებისმიერ განსხვავებულ ან დამატებით პირობაზე, რომელიც არ არის გათვალისწინებული ამ „პირობებით“. „ესიელი“ იტოვებს უფლებას, შეცვალოს ან გამოიხმოს ნებისმიერი განფასება ან შეკვეთა, რათა შეასრულოს შესაბამისი კანონის ან ბაზარზე არსებული

მდგომარეობის მოთხოვნა. ნებისმიერი შეტყობინება მიიჩნევა ამ „პირობების“ შესაბამისად გაგზავნილად, თუ უფლებამოსილ პირს გაეგზავნება დაზღვეული ფოსტით, დამოწმებული წერილით (ჩაბარების შესახებ შეტყობინებით), ჩაბარდება ერთ დღე-ღამეში ან გაიგზავნება ფაქსის (მიღების დადასტურებით) მეშვეობით იმ მისამართზე ან ფაქსის ნომერზე, რომელიც მოცემულია „ესიელის“ შეკვეთის დადასტურების ფორმაში ან, თუ ასეთი მისამართი ან ფაქსის ნომერი არ არის მითითებული, მეორე მხარის რეგისტრირებული სათაო ოფისის მისამართზე. ამ „პირობებში“ მოცემული უფლებები და ვალდებულებები მხოლოდ „მყიდველისა“ და „ესიელის“ სარგებლობისთვისაა და არ არის განკუთვნილი არც ერთი სხვა პირისათვის. „ესიელს“ უფლება აქვს პირადად შეასრულოს აქ მოცემული ვალდებულებები, ან მისი ერთი ან რამდენიმე აფილირებული ან შვილობილი კომპანიის მეშვეობით, თუმცა ასეთ შესრულებაზე პასუხისმგებლობა ეკისრება მხოლოდ „ესიელს“. რომელიმე მხარის მიერ უფლების გამოუყენებლობა ან გამოყენების დაყოვნება ან ამ „პირობებით“ გათვალისწინებული ვალდებულებების მეორე მხარის მიერ მკაცრი შესრულების მოთხოვნა, არ იქნება აღქმული, როგორც უარი უფლებაზე, მოთხოვნილ იქნეს წინამდებარე „პირობების“ ზუსტი შესრულება. წინამდებარე „პირობების“ ნებისმიერი დებულების ნაწილობრივი ან მთლიანი ბათილობა არ მოახდენს გავლენას დებულების დარჩენილ ნაწილზე ან სხვა დებულებებზე და, თუ ეს შესაძლებელია, ჩანაცვლება კანონიერი დებულებით, რომელიც მაქსიმალურად გადმოსცემს ბათილი დებულების შინაარსს. არც ერთ მხარეს არ დაეკისრება პასუხისმგებლობა წინამდებარე „პირობების“ ვალდებულების (გარდა ვადამოსული გადახდების განხორციელების ვალდებულებისა) შეუსრულებლობის ან შესრულების დაყოვნებისათვის, თუ ასეთი შეუსრულებლობა ან დაყოვნება გამოწვეულია იმ გარემოებით, რომელიც მხარის გონივრულ კონტროლს მიღმაა.